

ԶԵՆՔԵՐԸ V—VIII ԴԱՐՆԵՐՈՒՄ

(Ըստ Դվինի հնագիտական պեղումների)

Ա. Ա. ՔԱԼԱՆՔԱՐՅԱՆ

Մեր վաղ շրջանի մատենագրության մեջ հիշատակված զենքի որոշ տեսակները մեզ չեն հասել: Միակ զենքերը, որոնց մասին մենք կարող ենք համեմատաբար ամբողջական պատկերացում կազմել՝ պեղումների ընթացքում դուրս եկած նյութերով, նետասլաքներն են, որոնք հայտնաբերվել են Դվինում, Կառնիում, Ինչպես և պատահականորեն՝ նիզակները և պաշտպանական զենքի որոշ տեսակներ:

Ինչպես երևում է V—VII դդ. մատենագիրների վկայություններից, Դվինը, մարզպանական շայաստանի մայրաքաղաք դառնալով, վերածվում է զինագործության խոշոր կենտրոնի:

Դվինը իբրև երկրի ռազմական ուժերի կենտրոն և հավաքատեղի, ունեցել է ընդարձակ զինանոցներ և պահեստներ՝ «տուն զինուց և ասպագինաց»²:

Դվինը շարունակում էր մնալ զինագործության կենտրոն նաև արարների տիրապետության որոշ Այդ մասին հետաքրքիր տեղեկություն է մեզ հայտնում Ղևոնդ պատմիչը, խալիֆաթի ղեմ 774—775 թթ. Արտավազդ և Մուշեղ Մամիկոնյանների ապստամբության առնչությամբ:

«Եւ սկիզբն բանիս (ապստամբության) այսօրիկ լինէր ի ձեռն Արտաւազդայ որ էր ի տանէ Մամիկոնէից. որոյ երթեալ ի մայրաքաղաքն Դուին կազմութիւն մեծ առնէր զօրաց իւրոց և ստանալր անդ զէնս և անօթս պատերազմի և վառէր զինքն զրահիւր և սաղավարտիւր և ամենայն սպառազինութեամբ, և մտերիմ զինքն երեսնուցանէր զօրացն Իսմայելի, իբր թէ մարտնչել ընդ Քշեամիս նոցա կամիցի»³:

Բացի խոշոր քաղաքներից և ամրոցներից, Ղևոնդի վկայությամբ, զինագործները պատերազմական գործողությունների ժամանակ անմիջականորեն գտնվում էին բանակի կազմում և զենքը պատրաստում կամ նորոգում էին տեղում: Ահա թե ինչ է գրում պատմիչը շայաստան մտած արաբական զորքերի մասին. «հասասէին ի գաւառն Բազրեանդ ի գիւղն Արձնի. անդ հարկանէին զբանակս իւրեանց առ եզերր զետոյն որ ընդ նս անցանէ. և ընդ նոսա ամենայն արուեստականք, և յարդարիչք զինուց. որք պատրաստէին զէնս և անօթս պատերազմի»⁴:

Զորքերը իրենց զենքի մի մասը լրացնում էին նաև ձեռք բերած ավարի հաշվին, մի բան, որը շատ բնական էր և կիրառվում էր ամենուրեք: Նշելով հայտնում է, որ խաղաղի ճակատամարտից հետո հայկական զորքերը մեծ ավար վերցրին, այդ թվում նաև զենք: «Եւ կուտէին բազում արծաթ և ոսկի, զզէնս և զզարդս զարի արանց և զքաջ երիվարաց»⁵:

Միջնադարյան պեղածո զենքի և մատենագրական տվյալների քննությունը մեծ հետաքրքրություն է ներկայացնում ժամանակաշրջանի պատմության ուսումնասիրության համար: Հարկ է նշել, որ վերջին տարիների ընթացքում Անդրկովկասում, Միջին Ասիայում և Հյուսիսային Կովկասում նույնպես հայտնաբերվել են նույնանման լավ թվագրված զենքեր, որոնց միջոցով հնարավոր է ճշտել ոչ միայն Հայաստանից գտնված զենքերի, այլև նրանց ուղեկցող նյութերի ժամանակաշրջանը:

Հայաստանից հայտնաբերված վաղ միջնադարյան զենքերը բաժանում ենք երկու մեծ խմբի՝ հարձակողական և պաշտպանական: Ներկա հոդվածում քննարկվելու են միայն հարձակողական զենքերը: Պետք է նշել, որ երկաթից պատրաստված այս զենքերից մի քանիսը՝ հատկապես նե-

¹ Г. Тиранцян, Уточнение некоторых деталей сасанидского вооружения по данным армянского историка IV в. н. э. Фавста Бузанда. «Иссл. по истории и культуре народов Востока». Сб. в честь акад. Н. А. Орбели. М.—Л., 1961, էջ 474—486:

² Կ. Վաֆադարյան, Դվին քաղաքը և նրա պեղումները, Երևան, 1952, էջ 161:

³ «Պատմութիւն Ղևոնդեայ մեծի վարդապետի հայոց», Ս. Պետերբուրգ, 1887, էջ 138:


⁴ Նույն տեղում, էջ 118:

⁵ «Նշելի Վասն Վարդանայ և հայոց պատերազմին», Երևան, 1957, էջ 77:

տասլաքները (տես ստորև), սկիզբ են առնում ավելի վաղ շրջանում և պահպանվում մինչև մ. թ. VIII դարը: Մի այլ խումբ սկիզբ է առնում մ. թ. V դարից, հաջորդաբար մինչև XIII—XIV դարերը, մի հանգամանք, որը մեղանից պահանջում է մեծ զգուշություն նյութերը թվագրելիս:

ՆԵՏԼԱՍԼԻՔՆԵՐ.— Հայաստանի միջնադարյան զենքի ամենատարածված տեսակներից մեկը նետ ու աղեղն էր: Մենք չենք կարող որոշակի բան ասել ուսումնասիրվող շրջանի աղեղների մասին, սակայն անհրաժեշտ ենք համարում նշել, որ աղեղների պատկերներ պահպանվել են Լասանյան արծաթե թասերի և V—VII դդ. բարձրաքանդակների վրա, օրինակ՝ Մանուել Ամատունու քանդակը Պտղնիի եկեղեցու հարավային մուտքի վերևի կամարի հորիզոնական մասի ձախ կողմում:

Դժվերում պեղումների ընթացքում գտնվել են շուրջ 150 նետասլաքներ և մոտ երեք տասնյակ էլ հայտնաբերվել են Գառնիից: Նետասլաքներն իրենց ձևերով բազմազան են, և այդ բազմազանությունը բացատրվում է տարբեր հանգամանքներով: Նախ՝ նետասլաքները արտադրվել են տարբեր կենտրոններում և նախարարական զբոսայգիների կողմից բերվել են Դժվեր և ունեցել են որոշ առանձնահատկություններ: Նետասլաքների մյուս խումբն, անկասկած, օտար ծագում ունի (իրանական, բյուզանդական, արաբական և այլն): Սակայն զուգահեռ նյութի սակավու-



Աղյուսակ I

թած է պոչուկին: Այս տարբերակը գտնվել է միայն Դժվերից: Սլաքի երկարությունը 4,5—6 սմ է, պոչուկի երկարությունը՝ 2—3 սմ (աղ. 1, 6, 7, 10, 11): Երկրորդ տարբերակը առաջինից զանազանվում է նրանով, որ ելուստները (թևերը) այստեղ շատ չեն դուրս ցցվում, որի հետևանքով ակոսները շատ խոր չեն, նետասլաքները ավելի մասսիվ են: Սլաքների երկարությունը 4—5 սմ է, պոչուկները չեն պահպանվել (աղ. 1, 14—18): Երրորդ տարբերակը մոտենում է իր ձևով

նավոր նետասլաքներ, որոնց մասին մեզ հայտնում է Եղիշեն⁷, «Պատկանդարան դեղեպի նետաթիթ» (թունավորված նետերով լի կապարճ):

Դժվեր քաղաքատեղիից հայտնաբերված նետասլաքները 4. Ղաֆադարյանը բաժանում է 6 հիմնական խմբերի՝ ճանկավոր, եռանիստ ակոսավոր, տերեաձև տափակ, կոնաձև քառանիստ, սրածայր երկարավուն և տձև կամ անկանոն սրածայր⁸: Հիմնականում համաձայնվելով նետասլաքների վերոհիշյալ ստորաբաժանման հետ, մենք առաջարկում ենք վաղ միջնադարյան նետասլաքների նոր դասակարգում: Դժվերի V—VII դդ. նետասլաքները կարելի է բաժանել հետևյալ տեսակների:

Առաջին տեսակին պատկանում են եռանիստ նետասլաքները: Հայաստանում այս տիպի նետասլաքներից գտնվել է շուրջ երեսուն հատ, որից 24-ը՝ Դժվերի V—VII դդ. շերտից: Սլաքները եռանիստ են, խոր ակոսներով, բոլոր պոչուկները կտրվածքում կլոր են: Սլաքների երկարությունը 4—6 սմ է, պոչուկով՝ 8—10 սմ (պոչուկների մեծ մասը կտրված է կամ թևերի):

Եռանիստ նետասլաքները հանդես են գալիս երեք տարբերակներով: Առաջին տարբերակի սուր ծայրերից ելուստները երեք կողմերի վրա հետզհետե լայնանում են, որի հետևանքով առաջանում են խոր ակոսներ: Ելուստները անմիջապես չեն կտրվում պոչուկի մոտ, այլ կորություն միանում են խնձորակին, որը փա-

Ծ. Ա. Ա. Քալանթարյան, Հայկական պատկերաքանդակները IV—VII դդ., Երևան, 1949, էջ 67—68, նկ. 45:

7 Եղիշեն, էջ 6:

8 Կ. Ղաֆադարյան, Նշվ. աշխ., էջ 161—163:


առաջինին, միայն այն տարբերությամբ, որ ելուստները կոթառի մոտ ընդհատվում են և ուղիղ անկյան տակ կտրվում: Այս տիպի նետասլաքներ համեմատաբար քիչ են գտնվել Իվինից: Նույն ձևի նետասլաքների մենք հանդիպում ենք նաև էջմիածնի թանգարանից բերված իրերի մեջ (ՊՊԹ, 668): Սլաքի երկարությունը 4—6 սմ է, պոչուկները շեն պահպանվել (ադ. 11, 1, 2, 3):

Նոանիստ նետասլաքները իրենց զոյությունը Հայաստանում պահպանում են մինչև VII դ. վերջը և VIII դ. սկիզբը:

Հետաքրքրականն այն է, որ գուդահնո նյութի քննությունը հաստատում է նույն երևույթը նաև Վրաստանում, Ադրբեջանում, Հյուսիսային Կովկասում, Ղրիմում, Միջին Ասիայում և այլուր, այսինքն այն տարածված, որտեղ տարածված են եղել սկյութական նետասլաքները:

Իվինում գտնված եոանիստ նետասլաքների Բվազրվում են V—VIII դդ., որը հաստատվում է միևնույն շերտից գտնված ինչպես հնագիտական հարակից առարկաներով, այնպես և մատենագրական ու գուդահնո նյութերով:

Սլաքների մի խումբ գտնվել է քաղաքի կենտրոնական թաղամասի V—VII դարերում կառուցված մոնումենտալ շենքերի մնացորդների շերտից (ՊՊԹ, 1617/160, 304, 1905/101 և այլն): Նրկրորդ խումբը դուրս է եկել միջնաբերդից՝ հում աղյուսից շինված մեծ շենքի պեղումների ժամանակ: Այդ շենքի կառուցումը իրավացիորեն վերագրվում է VIII դարին: Նույն տիպի նետասլաք է հայտնաբերվել նաև բյուզանդական ծագում ունեցող մի ձիթանրազի հետ, որի VI—VII դդ. պատկանելը որևէ կասկած չի հարուցում:



Աղյ. 11

Հետաքրքիր է, որ եոանիստ նետասլաքների վերաբերյալ վկայություն կա հորենացու մոտ: Նկարագրելով Հայկի և Բելի պատերազմը, հորենացին ասում է. «Ձայս իմացեալ աղեղնաւորին Հայկայ՝ յառաջ վարէ գինքն, մօտ հասանէ յարթայն, լի քարչէ զայնալիճն, զիպեցուցանէ զերեքթեանն կրծից տախտակին և շեշտ ոնդ մէջ թիկանցն թափանցիկ լեալ յերկիր հարստի սլաքն»¹⁰:

Նույն տիպի սլաքներ հայտնի են Ուրբնիսից¹¹, Մինդեշաուրից¹², Փյանջիթենից¹³, ՍՏ. րասիարից¹⁴ և այլ տեղերից VI—VIII դդ. շերտերից: Նոանիստ նետասլաքների ի վերջո մենք հանդիպում ենք սասանյան արծաթե թասերի վրա պատկերված տարբեր տեսարաններում¹⁵:

Նետասլաքների երկրորդ տեսակը, որը իրավացիորեն համարվում է հին, հանկավոր նետասլաքներն են: Նրանք շատ հազվագյուտ են՝ ընդամենը 4 հատ, 3-ը Իվինից, իսկ մեկը պա-

⁹ Oskar Wulff, Altchristliche und Mittelalterliche Byzantinische und Italienische Bildwerke, Berlin, 1909, էջ 243—263 աղյուսակ LXVI, 1343, 1344.

¹⁰ «Մովսիսի հորենացու պատմութիւն հայոց», Մշխատութեամբ Մ. Արեւելոն և Ս. Զարուբիւնեան, Տփղիս, 1913, էջ 36:

¹¹ Л. А. Чилашвили, Некоторые моменты археологического исследования Урбниси. «Вестник» Гос. музея Грузии им. акад. С. Н. Джанашиа, т. XXIV—В, Тбилиси, 1963, табл. IV, 2. նույնի՝ Городище Урбниси (վրացերեն), Тбилиси, 1964, էջ 124—126:

¹² Г. М. Асланов, Материальная культура Мингечаура I—VII вв. (автореферат), Баку, 1963, էջ 8:

¹³ А. М. Беленицкий, Раскопки здания № 1 на шахристане Пенджикента (1947), МИА, № 15, էջ 103, ադ. 51: նույնի՝ Общие результаты раскопок городища древнего Пенджикента (1951—1953), МИА, № 66, էջ 136—137, և 4. 36:

¹⁴ А. И. Тереножкин, Археологическая разведка на городище Афраснаб в 1945 г., КСННМК, вып. XVII, 1947.

¹⁵ Я. И. Смирнов, Восточное серебро, СПб, 1909, ադ. XXIX—XXXII, և А. Орбели, К. В. Тревер. Сасанидский металл, Л., 1935, ադ. 6, 12, 11, 13:

սահականորեն է գտնված և տեղը հայտնի չէ: Ճանկավոր նետասլաքները հայտնի են դեռևս շատ վաղ ժամանակներից, սակայն Դվինից հայտնաբերված օրինակները, ի տարբերություն հենրի, պատրաստված են երկաթից: Դրանք ձվաձև կամ տափակ կտրվածք ունեցող նեղ տերևաձև սայրեր են, կարճ կլոր պոչով (երկարություն՝ 5—9,5 սմ, պոչովի երկարություն՝ 1—4 սմ, խեղդի լայնություն՝ 1—3 սմ, աղ. 11, 4, 5): Պոչովի և ծայրի միացման տեղում նետասլաքը ունի կարճ կիսակլոր և երկարավուն սեղ ելուստներ: Ինչն, որ ճանկավոր նետասլաքները լայն տարածում են ունեցել Հայաստանում՝ սկսած բրոնզի դարի վերջից և շատ սակավաթիվ են միջնադարում, և որ նրանք գտնվել են ստորին շերտերից, հանգեցնում են պրոֆ. Կ. Ղաֆադարյանի էարծիրեն¹⁶ և թույլ են տալիս թվագրել դրանք V—VII դդ.: Հետագա պեղումները, անկասկած, նախապորություն կտան ճշտումներ մտցնել այդ հարցում:

Ընդհանուր տեսակի են պատկանում ուժեղացած կտրվածք ունեցող նետասլաքները, որոնց հետ մենք հարմար ենք գտնում տեղագրել նաև եռանկյունի կտրվածք ունեցողները (2 օրինակ): Ինչ տիպի նետասլաքները իրենց արտաքին տեսքով բաժանվում են երկու տարբերակների: Ինչպիսի տարբերակը կաղմում են եռանկյունաձև կամ ուժեղացած սայրով նետասլաքները, որոնք ունեն կարճ կլոր պոչով (մեկի՝ 2158/708 պոչով ուղղանկյուն է): Երկրորդ տարբերակը իր արտաքին տեսքով կրկնում է առաջինի ձևերը, զանազանվելով նրանից իր չափերով և ծայրի ու պոչովի միացման տեղում եղած օղակաձև ելուստի կամ կլոր խնձորակի առկայությամբ: Երկարությունն է 8,5—10 սմ, ծայրի երկարություն՝ 4—6,5 սմ (աղ. 1, 8, 9):

Այս տիպի նետասլաքները հիմնականում հայտնաբերվել են կենտրոնական թաղամասի V—VII դդ. շինությունների շերտից, իսկ մյուս մասը՝ միջնաբերդում, նույն ժամանակի շերտից: Ինչպես՝ 2047/48 նետասլաքը հայտնաբերվել է արարական ժամանակաշրջանի մեծ շինության լակից, որի հետ նույն շերտից դուրս են եկել սասանյան կնքադրոշմներ: Նույն տեղից է հայտնաբերվել 2048/5 նետասլաքը, այս վայրի կոմպլեքսում գտնվել են VIII դարով սահմանադատված եռանիստ նետասլաքներ:

Միջնաբերդի մի այլ հին շինությունից՝ մարզպանական ժամանակաշրջանի դահլիճից հայտնաբերված է 2237/57 նետասլաքը, 1913/155 նետասլաքը դուրս է եկել Կաթողիկե եկեղեցու հատակից՝ VII դ. բյուզանդական ոսկե դրամի հետ մեկտեղ:

Նույնանման նետասլաքներ գտնվել են Ուրբնիսիում և Միջին Լևոնիում և թվագրվում են մեր նյութերի ժամանակով¹⁷:

Ընդհանուր տեսակն են կաղմում ձվաձև նետասլաքները, որոնք հայտնի են Դվինից և Գառնիից: Նետասլաքների այս խումբը իր արտաքին տեսքով բաժանվում է երկու տարբերակի: Ինչպիսի տարբերակը տերևաձև նետասլաքներն են, կտրվածքում ձվաձև կարճ կլոր պոչով: Երկարություն՝ 5,5—9 սմ է, ծայրի երկարություն՝ 4—7 սմ: Երկրորդ տարբերակին են պատկանում նույնանման նետասլաքները, որոնք ինչպես երրորդ տեսակի երկրորդ տարբերակի նետասլաքները, ունեն կլոր խնձորակ՝ պոչովի միացման տեղում: Երկարություն 5—9 սմ է, ծայրի երկարություն (պոչովների մի մասը ջարդված է)՝ 4,5—8 սմ (աղ. 1, 12, 13):

Ձվաձև կտրվածք ունեցող նետասլաքները, որոշ նյութերի հիման վրա, կարելի է թվագրել սկսած V դարից: Նախ՝ նետասլաքներից մեկը գտնվել է մարզպանական շրջանի պալատական դահլիճի շերտից, կնքադրոշմների հետ (ՊՊԹ, 2196/38), մի ուրիշ նետասլաք դուրս է եկել մեհյանի շրջանում ավելի վերին շերտից, եռանիստ նետասլաքի հարկվանությամբ: Նույն տիպի նետասլաքներ գտնվել են նաև Փյանջիքենդում՝ VI—VIII դդ. շերտերից¹⁸: Շերտագրությունը և համեմատական նյութը մեզ հնարավորություն են տալիս ենթադրելու, որ նետասլաքների այս խումբը գոյություն է ունեցել սկսած V դարից, սակայն օգտագործված է նաև ավելի ուշ ժամանակաշրջանում: Ինչ են վկայում Դվինում և Գառնիում հայտնաբերված նույնատիպ նետասլաքները ավելի ուշ շրջանի նյութերի հետ՝ XII—XIII դդ. շերտում:

¹⁶ Կ. Ղաֆադարյան, Նշվ. աշխ., էջ 161:

¹⁷ Ս. Ա. Чилашвили, Некоторые моменты..., աղ. IV: Նույնի՝ Урбниси, նկ. 35, 7, 8: Ա. М. Беленицкий, Общие результаты..., նկ. 38: Е. В. Зеймалъ, Раскопки объекта XIV на Пенджикентском городище (1956 и 1957 гг.), МИА, № 124, նկ. 4, 1, 2: Б. Я. Ставиский, Раскопки квартала жилищ знати в юго-восточной части Пенджикентского городища (объект VI) в 1951—1959 гг., МИА, 124, նկ. 37, 1, 2, 3:

¹⁸ А. М. Беленицкий, Նշվ. աշխ., էջ 137, նկ. 36, 3, 6, 7, Е. В. Зеймалъ, Նշվ. աշխ., նկ. 4, 4:

Քառանկատ նետասլաքները կազմում են բավականին մեծ խումբ՝ բաղկացած մի քանի տասնյակից: Կերպերն ունեն քառանկատ սայրեր, հիմնականում կարճ կլոր պոչով՝ փայտին ամրացնելու համար: Իրենց արտաքին ձևով բաժանվում են երեք տարրերակների: Առաջին տարրերակը կազմում են հավասարապես նեղացող քառանկատ սայրով և կարճ կլոր պոչով նետասլաքները: Նրանց չափերը տատանվում են՝ ծայրերի ներկարությունը 5,5—8 սմ է, պոչովի երկարությունը՝ 1—2,5 սմ: Երկրորդ տարրերակը բաղկացած է տերևաձև քառանկատ կտրվածքով ծայրեր ունեցող և երկար կլոր պոչով նետասլաքներից: Չափսերն են. ծայրերի երկարությունը՝ 2,5—5 սմ, պոչովի երկարությունը՝ 1—5 սմ: Երրորդ տարրերակը ներկայացված է առաջինին նմանվող նետասլաքներով, այն տարրերությամբ, որ ծայրերի և պոչովի միացման տեղում արված է կլոր խնձորակ: Չափսերն են. ծայրի երկարությունը՝ 3—3,5 սմ, կոթառի երկարությունը՝ 1,5—3,5 սմ:

Քառանկատ նետասլաքների V—VIII դդ. թվագրումը դժվար է այն պատճառով, որ գերակշռող մեծամասնությունը հայտնաբերվել է X—XIII դդ. շերտերում: Սակայն այն հանգամանքը, որ նույնանման նետասլաքներ հայտնի են Գառնիի անտիկ շերտից¹⁹ և թվագրվում են մ. թ. II դ. և Դվինի նետասլաքների մի մասը հայտնաբերվել է Կաթողիկե եկեղեցու շրջակայքում և միջնաբերդի ստորին շերտերից, մեղ հնարավորություն է տալիս ենթադրել, որ քննարկվող նետասլաքների մի մասը պատկանում է անտիկ և վաղ միջնադարյան ժամանակաշրջանին:

ՆիՋԱԿՆԵՐ.— Դվինում հայտնաբերված նիզակները սակավաթիվ են, իրենց արտաքին տեսքով բաժանվում են մի քանի տեսակների:


Առաջին տեսակին պատկանում են հավասարապես դեպի ծայրը նեղացող ուղղաձև կտրվածքով նիզակները (երկու հատ՝ 1980/80 և 2158/197), որոնք ունեն սայրի լայնությանը հավասար խողովակաձև կոթառներ: Չափսերն են. առաջինի երկարությունը՝ 23 սմ, սայրի երկարությունը՝ 14,5 սմ, լայնությունը՝ 3 սմ, երկրորդինը — երկարությունը՝ 19 սմ, սայրի երկարությունը՝ 12 սմ, լայնությունը՝ 2,3 սմ: Նույն տեսակին են պատկանում երկու նիզակի սայրերը, որոնց վերին մասերը և կոթառները չեն պահպանվել (աղ. III, 2, 4):

Երկրորդ տեսակի իրենից ներկայացնում է հավասարապես կլոր կարճ կոթառ, որի կենտրոնից ձգվում է խիստ քայքայված ուղղաձև սայր: Ըստ երևույթին նա փոքր ինչ հաստանուս է վերին մասում: Կոթառը ավելի լայն է, քան սայրը և միացման տեղում ուղիղ կտրվում է: Չափսերն են. երկարությունը՝ 20 սմ, ծայրի երկարությունը՝ 14 սմ: Այդ նույն տեսակին են պատկանում Դվինից հայտնաբերված երեք այլ նիզակների պահպանված կոթառները, սայրի մի փոքրիկ մասով, այն տարրերությամբ, որ կտրվածքում սայրերը ոչ թե ուղղաձև են, այլ ձվաձև (1917/166, 2048/368): Կոթառների երկարությունը տատանվում է 5,5—6 սմ միջև (աղ. III, 1):

Ուրբուրդ տեսակը ներկայացված է մեկ նիզակով, որն ունի ուղղաձև կտրվածքով նեղ, կարճ սայր՝ կենտրոնում փոքր ինչ ուռուցիկ: Խողովակաձև կոթառը իր լայնությամբ հավասար է սայրին և պահպանված է միայն միացման տեղում: Պահպանված մասի երկարությունը 13 սմ է, սայրի երկարությունը՝ 10 սմ:

Այս խմբի հետ հարմար ենք գտնում քննարկել նիզակի մի այլ տեսակ (1617/65): Թուսերեն մասնագիտական գրականության մեջ գենթի այդ տեսակը անվանված է «пика», որը հայերեն սխալ թարգմանված է նիզակ (копье) կամ տեղ (дротик): Իայց, այնուամենայնիվ, իր նշանակությամբ գենթի այդ տեսակը պատկանում է հարվածող-ձակող գենթերի թվին: Հնարավոր է, որ մեր պատմիչների մոտ հիշատակվող

«բուրատեզ»²⁰ նիզակը հենց քննարկվող գենթն է՝ լայն, գեպի ծայրը նեղացող խողովակով, որի վերջավորությունը ամրոցանում է՝ առաջացնելով մասսիվ, սուր զանգված: Խողովակի վերին մասը ուռուցիկ է: Նրա երկարությամբ մինչև զանգվածը անցնում է գեպի վեր լայնացող կտրվածք: Երկարությունը 11 սմ է, տրամագիծը՝ վերին մասում 4 սմ (աղ. III, 3):



Աղյուսակ III

¹⁹ Б. Аракелян, Гарин, II, Ереван, 1957, էջ 46, նկ. 13:

²⁰ И н а с а к о р е н а г и, էջ 119:

Քննարկվող նիզակների ուսումնասիրությունը մեզ հնարավորություն է տալիս նրանց համարել վաղ միջնադարյան՝ ելենլով հետևյալ փաստերից: Առաջին տեսակի նիզակների մի մասը հայտնաբերվել է միջնաբերդում եռանիստ նետասլաքների հետ, որոնք, ինչպես հայտնի է, թվագրվում են V—VIII դդ.: Մյուս մասը հայտնաբերվել է ստորին բերդում, որի շերտից դուրս են եկել մի շարք առարկաներ, ընդ որում մեծ բանակությամբ հասարակ խեցեղեն. բացակայում է ուշ շրջանի համար բնորոշ քնարակած խեցեղենը: Նույն տեղից հայտնաբերվել են նաև V—VI դդ. պատկանող կնքադրոշմներ, որոնց առկայությունը հաստատում է շերտի ժամանակագրությունը:

Երկրորդ տիպի ամբողջական նիզակը հայտնաբերվել է միջնաբերդում՝ մեհյանի շրջակայքում, 4 մետր խորությունից: Նույն շերտից հայտնաբերվել են նաև եռանիստ և ձվաձև կտրրված ունեցող նետասլաքներ, որոնց հիման վրա տվյալ տեսակը նույնպես թվագրվում է V—VI դդ.:

Երրորդ տեսակը հայտնաբերվել է միջնաբերդում, հում աղյուսից պատրաստված VIII դ. մեծ շինության բակից: Նիզակի հետ նույն տեղից գտնվել են եռանիստ և ումբաձև նետասլաքներ, կնքադրոշմներ, որոնք, ինչպես և վերոհիշյալները, թվագրվում են V—VIII դդ.:

Բոլորատեղ նիզակը (№ 82) հայտնաբերվել է կաթողիկոսարանի մերձակայքում՝ Հերակլի պղնձե դրամի հետ և հավանաբար պատկանում է VIII դ.:

Նյութական մշակույթի մնացորդներին զուգահեռ մեր մատենագրությունն մեջ պահպանվել է մի շարք հիշատակություններ, որտեղ, բացի բննարկվող նիզակներից, նշվում են նաև այնպիսիներ, որոնք մեզ հայտնի չեն պեղումներից (գեղարդ): Սակայն պատմիչների վկայությունները հնարավորություն են տալիս պնդելու, որ հայկական նիզակները եղել են ավելի բազմատեսակ և օգտագործվել են հայ մարտիկների կողմից ինչպես հետևակում, այնպես էլ հեծելազորում:

Մենք անհրաժեշտ ենք համարում նշել նաև այդ տեղեկությունները, որպեսզի ավելի լայն լինի մեր պատկերացումը վաղ միջնադարյան զենքի վերաբերյալ:

ԱՇՏԵ, ՄԿՈՒՆԻ, ՏԵԳ.— Զենքի այս տեսակները, որոնք իրենց արտաքին տեսքով շատ են նմանվում նիզակին և վերջինից տարբերվում են զուցե միայն իրենց չափսերով, օգտագործվել են որպես նետովող զենք՝ ոչ հեռու տարածություն վրա թշնամուն հարվածելու համար: Խորենացու մոտ աշտեն և մկունդը նույնացվում են «...հեռի զաշտեն արծակեալ, որպէս ի թռիչս սրաթև հաւուց»²¹: Տեքստից երևում է, որ մարտը վարվել է աշտենի օգնությամբ, այլ կերպ ասած՝ նիզակամարտ է տեղի ունեցել: Սակայն, ինչպես պարզ երևում է նույն գլխի վերնագրից «Պատերազմ Մորփիդիկեալ և մկնդահար մահ»-ը, խորենացին այդ երկու զենքերը նույնանման է համարում: Միզուցե դրանցից մեկը եղել է ընդհանրապես զենքի անունը, իսկ մյուսը նրա տեսակներից մեկը՝ մկունդ-աշտեն:

ՍՎԻՆ.— Հարվածող-ծակող զենքերի թվին է պատկանում նաև սվինը, որն ավելի մոտ է եղել մկունդին: Սվինի մասին հիշատակություն կա Բուզանդի՝ «Սունաուորք» ձեռն²² և Մովսես Խորենացու մոտ²³: «Եւ մօտ անցեալ աջողեցաւ ձգել զսուինն»,— գրում է Խորենացին: Շատ հավանական է, որ մեր պատմիչների մոտ հիշատակվող այս զենքը իր ձևով նման է մ. թ. ա. I հազարամյակի սկզբի նիզակներին, որոնք ունեն խողովակաձև կարճ կոթառներ, երկար, բարակ սուր բառակող ծայրեր և նմանվում են ժամանակակից քառակող սվիններին:

ՍՈՒՍԵՐ, ԹՈՒՐ, ՍՈՒՐ ԵՎ ԴԱՇՈՒՅՆ.— Դվինի պեղումներից շատ սակավ են հանդիպում կտրող-հատող զենքի տեսակներ, որոնք հավանաբար ավելի ուշ շրջանի են վերաբերում: Սակայն IV—VIII դդ. մեր մատենագրության մեջ բազմիցս հիշատակվում են այս զենքերը:

Սուսերը²⁴ նեղ և երկար շեղրով, սուր ծայրով զենք էր, որով խոցում և հատում էին թշնամուն: Հայկական լեռնակում սուսերավորները, V դ. պատմիչ Բուզանդի տեղեկություններից ելնելով, սովոր խումբ էին և դորքի առանձին տեսակ էին կազմում²⁵:

Հավանորեն սուսերի շեղրը երկսայրի է եղել²⁶, այնպես վասակը ինչպես կարող էր «...ի վեր առեալ զսուսերն, զոր ընդ մէջն ունէր, հարեալ անդն ի տեղուցն զախոռապետն արքային

21 Նույն տեղում, էջ 107:

22 Նույն տեղում:

23 Փափստոսի Բուզանդացու Պատմություն հայոց, Թիֆլիս, 1912, էջ 183:

24 Մովսես Խորենացի, էջ 107:

25 Աղաթանգեղայ Պատմություն հայոց, Տփլիս, 1909, էջ 22:

26 Փափստոս Բուզանդի, էջ 183 և 202:

27 Մովսեսի Կաղանկատուցու Պատմություն Աղուանից աշխարհի, էջ 29:

սղարսից պիտատէր ի ներքս յաստատանի անդ²⁸։ Այս տեսակետից դժուար է համաձայնվել այն ուսումնասիրողների հետ, որոնք սուսերը և սվինը իրենց էությունը նույնացնում են²⁹։ Սուսեր-նների հիանալի օրինակներ պատկերված են սասանյան արծաթե թասերի վրա³⁰։

Խոսելով սուսերի մասին, չի կարելի անուշադրությամբ անցնել Բուզանդի հետևյալ նկարագրության կողքով. «Շարքունական սուսերն զպողովատիկն զոսկեպատեանն հանդերձ ակա-նակապ մարգարտադարդ կամարան ի սպասու նորա բարձեալ ունէր³¹ և շարունակությունը՝ «...թագաւորն Լերշակ ինքն ձգտեալ զսուսերն արքունական կամարան, զոր նմա ներսէսն բար-ձեալ ունէր ի սպասու թագաւորին ըստ օրինաց սենեկապետութեանն, ի բաց հաներ ի նմանէ³²։

Ե. Տիրացյանը շատ իրավացի է, երբ «արքունական սուսեր» արտահայտության մէջ տես-նում է դեռի հատուկ տեսակ, որը կրում էին թագավորը և նրա մերձավորները հանդեսների ժա-մանակ³³։ Այդպիսի սուսերների դաստապանակները շատ երկար էին լինում³⁴։ Այս սուսերը հայտնի էր դեռ Արեմենյան Պարսկաստանում և սկյութների մոտ։ Հայաստանում դա ավելի կա-րելի է ընդունելի համարել, որովհետև աղբյուրներում մենք ունենք «սուսեր պատերազմի»³⁵, որից հավանաբար տարբերվում էր «արքունական սուսերը»։

Սուրբ Երկասյրի մի գրքի վրա՝ «... զօտեռեալ զմէջսն և յահեկէ զսուրն երկասյրի»³⁶ կամ «երկասյրի սրով բախեալ»³⁷ ավելի լայն շեղում է, քան սուսերը և բավականին երկար։ Սրի մա-սին հետաքրքիր հիշատակություն կա Կաղանկատվացու մոտ։ Նա գրում է. «Եւ աճապարէր ի սուրն միասեռի, որով անդէն սատկէր զմարդախոշոշ զաղանն»³⁸։ «Միասեռին» այստեղ հավա-նարար հանդես է զայիս մի սարսանի իմաստով։ Հետևաբար պետք է ենթադրել, որ սրերը նաև մեկ սայրանի են եղել։

Թուրք IV—VIII դդ. պատմիչների մոտ հիշատակվում է մեկ անգամ Բուզանգը հայր մարդ-պետի զգեստավորման նկարագրության մէջ ասում է. «Եւ ազուցեալ զպատմութեանն մեծ, կած զգօտին ընդ մէջ իւր՝ զորմէ թուրն կախէր. և սուսեր ընդ մէջ ածեալ, և խորշ ի գոտույ զրատիցն իջեալ զթուրն և զսուսերն ծածկէր»³⁹։

Գ. Տիրացյանը գտնում է, որ թուրք համեմատաբար ավելի կարճ է եղել և համեմատության կարգով բերում է սասանյան արծաթե թասերի վրա եղած պատկերները⁴⁰։ Թուրք ուսումնասիրող-ները գտնում են, որ թուրք մի սայրանի է եղել (Բ. Առաքելյան, Վ. Արրահամյան)։ Չառարկե-լով այդ մտքին, միևնույն ժամանակ պետք է շեշտել, որ սասանյան արծաթե թասերի վրա պատ-կերված թրի մի մասը տեսքով անշուշտ երկասյրի է։

Ապառազիություն մէջ են մտել նաև դաշույնի տարրեր տեսակները, որոնցից մեկի մասին հետաքրքիր տեղեկություններ կան Փավստոս Բուզանդի մոտ⁴¹։ Դա նրան է, որի մանրագին քննությունը տվել է Գ. Տիրացյանը վերոհիշյալ աշխատության մէջ։ Նրանք, ըստ հեղինակի, հա-վանաբար դաշույնի փոքրիկ տեսակն էր, որը կապում էին աջ ազդրի վրա։ Սակայն հետաքրքիր է նշել մի ուրիշ վկայություն։ Մովսես Կաղանկատվացու մոտ մենք հանդիպում ենք «նրանա-կոտոր» արտահայտությանը, որը ընդգրկված չի համընկնում նրանների կիրառությանը. «...նրա-

28 Փ ա վ ս տ ո ս Բ յ ու զ ա ն դ, էջ 193—194։

29 Վ. Արրահամյան, Միջնադարյան Հայաստանի զենքերը, Հայաստանի Պետ. պատմ. ինստիտուտի «Աշխատություններ», հատ. 2, Երևան, 1949, էջ 63, Բ. Առաքելյան, Քաղաք-ները և արհեստները Հայաստանում IX—XIII դդ., հատ. 1, Երևան, 1958, էջ 149։

30 Դ. Ա. Тирациян, նշվ. աշխ., նկ. 4 և 5։

31 Փ ա վ ս տ ո ս Բ յ ու զ ա ն դ, էջ 107։

32 Նույն տեղում, էջ 108։

33 Դ. Ա. Тирациян, նշվ. աշխ., էջ 484։

34 Նույն տեղում, նկ. 4։

35 «Յովհաննու Մամիկոնեանի Եպիսկոպոսի Պատմութիւն Տարօնոյ», Վենետիկ, 1832, էջ 14։

36 Մ ո վ ս ե ս Խ ո Ր Ե Ն ա Յ ի, նույն տեղում։

37 «Յովհաննու Կաթողիկոսի Դրասխանակերտցոյ Պատմութիւն Հայոց», Թիֆլիս, 1912, էջ 248։

38 Մ ո վ ս ե ս Կ ա ղ ա ն կ ա տ վ ա Յ ի, էջ 124։

39 Փ ա վ ս տ ո ս Բ յ ու զ ա ն դ, էջ 306։

40 Դ. Ա. Тирациян, նշվ. աշխ., էջ 476, նկ. 1։

41 Փ ա վ ս տ ո ս Բ յ ու զ ա ն դ, էջ 348։

նակոտոր և վաղակաւոր խոցոտմամբ»⁴²։ Պետք է ենթադրել, որ նրանք ավելի ուշ ժամանակներում որոշ փոփոխության է ենթարկվել և դարձել է անմիջապես հատող-կտրող զենք։

ՍԱԿՐ, ՎԱՂՐ, ՇԵՐՏ, ՏԱՊԱՐ, ՄՈՒՐԸ, ՈՒՌՆ.— Մեղ հետաքրքրող ժամանակաշրջանի զինքերի տվյալ տեղակները նույնպես հայտնի չեն պեղումներից։ Սակայն պատմիչների վկայություններից պարզ երևում է, որ այս զենքերը լայն տարածում ունեին վաղ միջնադարում և նույնիսկ առանձին զնդեր կային՝ «սակրաւորք», «վաղրաւորք», «շերտաւորք»⁴³։ Սրանք ռազմական կացիներ էին և որոշ ձևերով տարբերվում էին միմյանցից։ Սակրը, հավանաբար, միաբերան և երկրեբան կացինն էր։ Վաղրը, տապարը, մուրճը և ուռնը⁴⁴, հավանաբար, նման զենքեր են։ Այս տիպի զենքեր ունեցել է և՛ կտրող կողմ (կացին, տապար), և՛ ջարդող կողմ (մուրճ, ուռն), և՛ փայտից կարճ կոթ։ Այդ տեսակետից շատ ճիշտ է բնորոշում վաղրը ավելի ուշ շրջանի պատմիչ Ստեփանոս Օրբելյանը։ Նա գրում է, որ Հիպարիտը կախել էր «եւ զվաղրն ահագին ի ներքոյ Բարձիցն իրր զուռն դարբնաց և կամ զսակր կտցաւոր քարահատաց՝ անցեալ ի մէջ ռազմաւոր հանդիսին»⁴⁵։

Այսպիսով, հնագիտական նյութի և մատենագրական վկայությունների մանրազնին քննությունը ցույց է տալիս, որ վաղ միջնադարյան Հայաստանում Դվինը զինագործության խոշոր կենտրոն էր։ Զինագործության արհեստը և զենքի արտադրությունը, իր վրա կրելով նախորդ շրջանի տրագիցիաները, ավելի մասսայական բնույթ էր ստացել։

⁴² Մ ո վ ս ե ս Կ ա դ ա ն կ ա տ վ ա ց ի, էջ 256, 273։

⁴³ Փ ա վ ս տ ո ս Բ յ ու զ ա ն դ, էջ 183, 202։ Մ ո վ ս ե ս Խ ո Ր Ե ն ա ց ի, էջ 72։

⁴⁴ Ա գ ա թ ա ն գ Ե դ ո ս, էջ 404։ Մ ո վ ս ե ս Խ ո Ր Ե ն ա ց ի, էջ 290։ «Սերեոսի Եպիսկոպոսի պատմութիւն», Երևան, 1939, էջ 39։ Հ ո վ հ ա ն Մ ա մ ի կ ո ն յ ա ն, էջ 35։ «Թովմայի վարդապետի Արծրունւոյ Պատմութիւն տանն Արծրունեաց», 1852, էջ 105։ «Պատմութիւն նահանգին Սիսական, արարեալ Ստեփաննոսի Օրբելեան արքեպիսկոպոսի Սինեաց», Թիֆլիս, 1910, էջ 75։

⁴⁵ Ս տ Ե փ ա ն ո ս Օ Ր Բ Ե լ յ ա ն, էջ 375։